

续修凡例

代系必溯其始我族自旻亮二公复姓吴杨当以二公为第一代庶不支离改用柳氏凡老谱之年庚有未书出国号者为之考核讹者悉厘正之

世系必提出三代则同名阅之知其根底不至混淆

男丁上谱已故者必自十六岁以上者方出系八岁至十五书夭不系五岁至七岁书殇无系三岁以下者概不书若女未字人已故不录

妇人从一而终为义矢志不二无论有无子嗣必书之夫故有子而嫁者书改醮夫在有子而嫁者书再醮盖子因母存也无子不论夫在夫故若嫁者义绝概摈不录

女子从人无与宗嗣似不必纪然诸姑伯姊悉同毛里之属故记载母氏之下原明所出纪所从也

徙外者必注明其地名坐落庶寻亲者不致莫识其方但蜀稿来迟谱内故于朝字班以上概行用补以后仍参系内阅者勿讥遗漏

老谱阙略荣名录敦行者仅附诸世系后不合体裁兹持另行标出以符志例敦行讚传现在年未五十者不得附讚若论定之传则不拘年纪二者俱要实行堪纪方可注谱若铺张扬烈决不敢登

妇人三十岁上守义者不注节三十下守义年不满四十五岁者亦不敢注节从制例也

型家格言图序祭田必书娼优皂隶屏逐之子书均从旧例非苛刻也至若谱牒为祖宗名号灵爽所凭宜慎珍藏切勿霉蠹可也